

Обод манзилларнинг равон йўллари

Ҳар бир худуднинг қиёфасига кўрк бағишловчи жиҳатлардан бири бу йўллардир. Кейинги йилларда мамлакатимизнинг барча жойларида ободончилик, бунёдкорлик ишлари билан бир қаторда йўллар қуриш, мавжуд йўлларни таъмирлаш масалаларига алоҳида эътибор қаратилимоқда.

Йўллар аҳоли турмуш фаровонлиги, мамлакат тараққиётини белгиловчи мезонлардан биридир. Зеро, қаерда бундай ишлар кенг қулоч ёзса, ўша жойда замонавий инфратузилма объектлари қад ростлаб, аҳоли ҳаёт тарзи юксалиб боради.

Ҳақиқатан ҳам, ҳалқимизнинг бунёдкорлик салоҳияти сўнгги пайтларда шаҳару қишлоқларимизда янги йўл ва кўприклар қуриш, унинг инфратузилмасини ҳалқаро андозалар даражасида ривожлантириш борасида амалга оширилаётган кенг кўламли ислоҳотларда намоён бўлмоқда.

Шу маънода, мамлакатимизда замонавий йўл ҳамда кўприклар қурилиши, аввало, йўловчилар -хавфсизлигини таъминлаш, уларнинг вақтини тежаш, экологик муҳитни яхшилаш, шунингдек, шаҳару қишлоқларимизнинг қиёфасини тубдан ўзgartаришдек эзгу мақсадларга хизмат қилаётгани билан аҳамиятлидир.

Мазкур йўналишда ҳам туманимизда салмоқли ишлар олиб борилаётгани ҳеч кимга сир эмас. Риштон тумани “Мискин” МФЙ кўчаларидағи асосий муаммоларидан бири йўллар носозлиги бўлган эди. Фуқароларнинг мурожаатини ижобий ҳал этиш мақсадида ушбу маҳалладаги 800 метр масофадаги кўча шағаллаштирилди. Маҳалла аҳолиси ушбу ғамхўрликлар мамнун бўлишмоқда.

Риштон тумани ҳокимлиги Ахборот хизмати

2021-12-23 15:18:18